

沅  
湘  
耆  
舊  
集

沅湘耆舊集卷第八十九

新化鄧顯鶴湘臯編輯

長沙毛國翰青垣校訂

研北翁朱景英

七十三首

景英字幼芝一字梅治晚號研北翁武陵人乾隆  
庚午舉鄉試第一官福建寧德知縣調侯官擢臺  
灣府鹿耳海防同知調北路理番同知以病歸治  
績見福寧府循吏傳有經畚堂集研北先生幼慧  
弱冠卽有文譽世傳其前身爲閩中一宿儒官福  
寧時曾親至其家見所遺手蹟封識宛然詩集極  
富近日吾鄉先輩以詩雄者度西研北兩先生而

外不數觀也先生曾修沅州府志所爲詩多有借  
刻他氏入藝文者其不自愛惜類如此聞其家未  
刊本尙多惜不能全見也

春雨偕友人出東郊尋蔣道林先生桃岡書院遺址  
春日豁遠近駕言陟東臯遵渚憺容與越陌循周遭曖曖  
起村煙輝輝吐繁苞爲貪及時賞詎辭紆軫勞緬惟道林  
嬰講席擁自高心契千樹月丹霞現白豪此意渺難會相  
就訊同袍

秋感五首

秋氣不渡海客心長抱山萬里一以判悵望摧朱顏河漢  
莽迢遞夢寐勞往還策策西風來音塵勿相關依然小搖

落何必沅湘間

沅水出且蘭湘源指陽朔兩派匯洞庭天空四垂角悲哉  
秋爲氣楚客意縣邈今來滄海上心眼賦恢卓北渚眺已  
遠東曦了可覺爲拓桑鵬胸遺經事揚摧

手編下階除緣步蕢蕢蔬貞襲尙如彼同懷悵何之南雲  
翔雁鴻影孤魂亦悲寂歷風雨夕誰與慰所思苦念姜被  
寒明冥路已歧言從古風人尋繹鵲原詩

風人託比興陳義豈不高如何假嘯笑率爾翰墨操似聞  
秋蟲響不徹天雞號啁嘶亦自得久客增鬱陶乃知自然  
音入耳均吟猱桐玉切孤朗天律與之遭啍予耽嘯歌聊  
寫勞心忉

勞歌亦性靈三復香草句半生走塵埃  
荃乃知其故食飽不知饑絲染忽失素  
所欣松菊存爛漫得真趣

酬友人三首

杜陵一布衣賦獻三大禮許身稷卨閒  
爰自詞章始詞章未可廢所貴有根柢  
虛車飾輪轅衮服競純綺立言苟無  
物鋪陳等糠粃載道昌黎文勿枉賦明  
水誰歟辨香承此道委荆杞

亭林富著書郡國詳利病竹垞亦作者  
經義勤考證地志宛溪裁史表甬上訂  
諸子寶卓犖匪以俗言勝援据羅邱  
墳甄綜匡馬鄭淵淵羣書府綆汲後來  
盛平生典校心不愧劉子政

溪柴久蟄臥稀聞楚然音步屨忽來過乍悟愜素心譚  
肆滂葩聞懷故嶽岑小聚日無幾後覲愁曉霽新詩勞惠  
我端奏百衲琴何來頻伽響一慰戢羽禽陳義亮不泐永  
用書良箴

訪劉僉事墓道感賦

劉公經鏗鏗乃在明初葉鄉里得領袖圖籍富漁獵早切  
柱史冠旋投將母牒再起江東守分巡安南攝儀禮出孔  
壁淹中無忘箴如何十七篇但習高堂業逸者三十九初  
唐無博涉廢墜更喪亂詎關咸陽劫遂使古儀制不復交  
目睫此如由庚詩笙磬音難協又如投壺譜魯薛古不接  
公輸站役錢潞河轅輪輯書有舊家遺篇目人所挾三六

符卦爻挂扨凡幾撰即此矜創獲何必勞偵謀况為典物  
 將上獻資調變詔付史館收秘府裝地疊器數保闕殘什  
 一有誰愜非公心往籍高材無此捷相失百千年取攜旬  
 月淡疑有神明力護持著胸脅胡為楊新都驚疑樹牙煩  
 謂為草廬本秀水詞喋喋母乃強解事少見膽偏怯公形  
 去已遠公墓聞尙喋傳經隱牛磨弔古訪馬鬣竹粉黏枯  
 蟬榛叢點寒蝶為倩後來秀遺碣拓新帖

按沅州府志劉有年字大有治春秋洪武五年以  
 明經充沅州府學訓導十八年擢福建道監察御  
 史以親老辭謫雲南軍吏三十二年禮部侍郎董  
 倫舉政事文舉授直隸太平知府承樂五年上儀  
 禮送經十八篇還交趾按察司僉事八年率於官  
 著有並庵集藏於家明一統志萬姓譜  
 統志辰州府志俱同惟楚紀小異楚紀大年明洪  
 武中以明經薦拜御史尋以辭去後得忤旨罰通

州輪站役偶從舊家得儀禮逸經十八篇上之命  
副史館建文中起知太平府以儒術飾吏治當重  
人士多懷之成祖靖難時以不迎駕謫戍雲南後  
平交趾起爲按察司僉事卒於官經義考黃虞稷  
從此說又明張采曰永樂初太平守劉有年進逸  
禮則知初唐所亡之書國初猶有表獻者諸書所  
載如此至上逸禮年代諸書皆謂永樂而楚紀獨  
指洪武且指是時罰通州而戍雲南又在永樂初  
恐不爲  
無據也

### 吳江舟夕

言尋釣雪灘卽目垂虹橋入夕水逾淨風定勻輕綃斜月  
剛纖鈎玦勢裁精珎墮水故冷然宛與雌蜺要春淺遲荇  
合白小甘芽苗淺嚮微有聲宿鷺猶驚翹前汀亂漁火隔  
葦歌且謠鱗鱗細浪瀉煙外誰爲招客程趨簡書長涉無  
昏朝蒲帆十六幅欲卸仍飄搖懿茲松陵遊婉嬪收清宵

舊師差解事緩棹攀新茗浦激經屢窮曲折隨春潮少機  
三高祠詎爲神所譙

篁徑納涼作

庭靜已遠暑况復攢林於清影媚幽獨涼意親襟裾伊予  
寄所託若者逃于虛西崦愴將夕機事營何歟

鄒小山宗伯茹豆幘子爲章書亭鎮帥題

東坡在岐亭力持殺生戒謂同雞豚飽曷勿蘆菹芥齊名  
有要術蔬圃細亦大所以渤海守計口籌韭薤烹菽及脯  
茹古籍均紀載厥性詳義疏本草備圖繪清絕讓鄉翁寫  
生出時輩餘事貌纖種紫綠分瑣碎豆棚瓜架閒手摘可  
一博遊戲往往然茲幅尤狡獪想當貴盛時割炙恣所快

一朝厭薌脰食單美生菜沿籬旣吾茹落蘇亦吾愛涉筆  
偶及之肉食料可廢列鼎故自豪所味乃沆瀣明公得此  
意見畫輒欲拜屬題心鄭重饗饗期所次載繹東坡言噬  
嗑義不味誓當滌三庭當餐佐麤糲

度白鴿嶺

凌晨陟絕巘昨夜風雨沓危澗春砮旬灌莽振拉颯地維  
乃孤竦天宇忽一合石作怒猊蹲柵以防虎匪炊煙木杪  
現樵響堦坳荅盤紆仄徑循崩剝碎礫踰髻蹠委壑蛇亦  
淖攢沙蛤狀險諒不一計程已有卅平生困行役際茲苦  
馭駘偶爾策一振詎煩屐屢蠟眷言邱樊守頗厭塵埃雜  
歲月去堂堂乾坤本納納何必愁蒼龍矧肯怖白鴿

清流道中見巖壑甚奇詢之土人目爲玉華洞蓋奉  
附將樂之玉華洞而名之也因賦此以正其訛

具體玉華洞亦襲玉華名乳竇忽透關雲根誰其撐偃仄  
不可梯奇險曷敢攖譬諸古鼎彝斑駁蒼以頽卓峙榛莽  
間過者徒目驚大地富靈閼一一形狀呈奇者爲天台霞  
起標赤城幽者爲桃源谿轉流紅英要不相假借詎容濶  
品評茲焉雖地僻豈不由天成玉華雖足豔胡迺之聽熒  
偕問赤松子采藥將安行

七里瀧阻風

龍行愁無風有風畏逆撞入瀧日未晡屢折隨輕艫兩岸  
阻深黑東峽約一江漱綠激齋潏積翠連崆峒鬢髻蘚膚

縠縠透石骨，嶮嶮歷雲淙。尾灤泉淙淙，珠歎曷容垂。琪  
斷，勿可砭嶮梯。絕攀援，虛構寂。吠虎且窮褶，疊源那循都。  
虛撞延緣，不覺遠日暮。心已降，竅呬何自來。拉颯排蓬窗，  
臍聲澀。伊軋巖際掀，拊拊未許出。甕洞忍復維，枯椿竟夕  
無停響。貼語舟人，麗振蕩我瘖瘁。軒倒僮，冥憊裏衾坐深。  
宵寒襲青燄，釭鳴榔聞夜漁。露下棲禽矍，平生困行役。視  
此七里瀧。

暑日與施被堂論詩

遺山論詩，詩體宗杜少陵。漁洋偶學步，辭氣各自勝。不解  
夫已氏，嗤點胸臆。憑敢於古作者動，以筆墨繩弇州。悔少  
作卮言，匪信徵羣。然奉科律沿習，詠謫騰世。無司空圖詩。

品勿妄增

新城與秀水南北兩詩老如何輕詆者謂貪多愛好有唐  
首杜韓元氣幹大造北征南山篇詎以少爲寶庾鮑故綺  
麗清俊妙品藻用目謫仙人豈復恣潦倒是爲好且多二  
公得名早學富而情深波源源斯討昔賢受病處我輩曷  
可少吾嘗聽斯言蓋聞諸香草妄庸軌相軋風騷迹如埽  
謗傷爾何爲樹大蚍蜉小

詩道曰陵替正坐詩人多僞體不別裁風雅存幾何六義  
總茫昧矢口成詠歌立言無根柢辛苦尋枝柯呻吟豈無  
病閑適自養和性情各有得境遇况殊科黎邱鬼幻憑大  
道倡同訶果位未易證墮落詩中魔安得扶輪手中流挽

狂波所嗟汝曹愚萬古隨江河

過吳門蔣貪山 元泰 二丈出所藏金石目錄見示率

爾題後

平生歐趙心物聚於所好世閱千百年誰復窮奚奧金石  
雖堅牢十九恣殄暴有如上古書冢壁殘典誥又如大小  
職龜兆五曠眊嶧碑野火焚獵碣里脊耗三段罔遺跌半  
截罕完冒焦山與邵陽篆隸晚乃礫片瓦辨自漢大鼎納  
以邵寸楮良用珍羣玉故足倣勿惜千金享詎辭重險蹈  
卓爾貪山翁奇賞得深造爬羅及荒智剔櫛必精到高者  
綈錦襲卑者糠粃埽是於翠墨中若有眞宰告往時南濠  
都秘寶日餉牕昌黎金薤句著書取以號我翁亦吳產嗜

古趾先導獵微尤靡遁津逮越前隩出其篋衍餘宜爲俗  
目誤予亦頗有儲贖液舐丹竈會當事掌錄急足一槭報

發莆田至仙遊境一路看山作

春山無收遁一雨洗根骨容色娟新晴薌澤漬鬢髮瑣細  
眉後紋重慙施筆渴澹處妙得姿生綃不容乞南行飽看  
山奇險驚屢笑今朝喜見此生氣歎遠出昔聞坡公語山  
與高人一不肯入官府偃蹇跡殊絕繫余遠行役好山臥  
輿揭品目夫何如靜女或髣髴春風嬌谷與卽目了可悅  
遙情入遐想茲意誰與說

虎牙關

郢中健兒猛如虎樊城箭鏃紛如雨曹劉爭戰苦不休云

此荆襄之門戶桓桓中興李與岳議守議復了數著呂家  
小兒乳未乾坐受欺紿失金鑰書生莫漫嗤驚湖完局終  
歸孟大夫誰云在德不在險建瓴之下何時無盤盤磴道  
馬蹏穴舊壘蕭條石凹凸礮車矢弩衝突餘過客鹽車困  
九折亦知虎牙何敢然眈眈餘怒誰能前鵩助威唬空  
山轉愁蜀道凋朱顏我來四顧雙淚溢下馬踟躕纏兩膝  
如此關山不可行慙慙說與承平日

爲胡貞三題洞庭秋月

我是洞庭老漁父一年不見洞庭月忽從素壁對新圖千  
里清光照華髮清光在紙不在天乾坤吳楚終茫然岳陽  
樓頭鐵笛裂岳陽城外狂波顛笛聲波聲夜相薄木葉蕭

蕭霜氣落中流無聲轆轤轉一輪湧出湖天廓天垂四角  
湖心高高處有月沈秋濤老漁不跳蛟不舞一髮君山淨  
如許客燈漁火迷離開白墮蘆花溼雙鷗五兩乘風自在  
行今宵趁泊岳陽城有人喝月一開口豪奪城邊水氣橫  
我夢鴛湖接蒼霅給嬾春風坐白怡翁偏愛我洞庭秋尺  
幅移來日相狎吾家釣師小長蘆去人已遠煩招呼幾時  
與翁同握手看月一醉巴陵酒

望嶽麓作

南嶽七十二芙蓉一花墮地猶丰茸云爲九千仞始此造  
化結構當雄封朱鳥筵尾毘不鬻赤沙插腳簌且春人家  
覆翠巘城堞面面排蒼峯惠光道林蘭若古況有墨

寶傳李邕遺堂四絕肇保大沈裴宋杜人希蹤橘洲子戍  
育今昔磐石雪礪無春冬言披往牒證勝跡林壑一一儲  
心胸爾來經席首都講瓣香禮爲朱張恭名山代興故有  
在時清虛谷繁笙鏞豈非地靈孕奇秀璣衡下燭文明鍾  
緊余弱歲早經此仰面已略窺山容廿餘年來屢津逮竟  
末一曳詩山筇場來今復與交臂夙願依舊償無從冥搜  
咫尺媿謝客幽棲遐躅慳周禺半生有屐不得著徒爾臥  
壁如蝸慵一笑放棹下湘水冷然林際聞霜鐘

過安江鎮尋宋光錄葬衣冠處不得感而賦此

瑞州太守常山節罵賊等耳死同烈何人解招瑞州魂到  
今惟說常山舌憶昔有明武皇時強藩敢爾神器窺樓船

東下建瓴勢船中乃有凶纍纍彭蠡湖深波浪惡大旗日  
落風蕭索舟人指點黃石磯桃茆安能除此噩噩識纔聞  
又罵聲纍囚豈復望偷生誰知九派分流水得遂千秋應  
識名丈夫要不惜支體况肯回頭顧妻子可憐依舊石頭  
城褚淵不死袁粲死龍頭狗腳元須臾僭號終爲闕下俘  
獨苦江頭沈憾處游魂長是血模糊武陵中丞發忠氣一  
封入告壯死事專祠高並豫章城歲歲黃蕉與丹荔傷心  
一楷竟無歸江水茫茫露未晞可堪孝子將枯淚遍灑忠  
臣舊著衣嗚呼常山尙畱一束髮瑞州不見一片骨瑞州  
之烈甚常山故園云有衣冠窟我來艤舟沅江潯問人不  
答空沈吟母乃隔代晦名姓遺墓猶待窮搜尋蓬窗忽墮

空江雨一編史傳如相語亦知往事足低回無數青山叫  
杜宇

讀沅州董太守思恭述夢記賦長句題後有引

乾隆十二年董公禱雨於廟立應夢神屬題世篤忠貞  
四字初不解已讀宋饒端學昭烈王廟記始知神爲唐  
義士張公扞死睢陽難者也遂書夢中四字製爲扁懸  
之並題句於兩楹爲文饒諸右

昌黎三歎中丞公謂有藩蔽江淮功中丞以功不以死新  
舊唐書本諸此史傳偶見雷萬春死事最詳南霽雲淋漓  
寫盡乞師痛獨不一及張將軍兵閒傳聞多疑竇往往耳  
食成實錄不然撮舉遺姓名新鬼舊鬼同聲哭將軍生與

南人倫載在別乘甯非眞生得光岳之閒氣死爲郡國之  
明神惟醜有九蜡有八誰其尸之誰肅殺野舛貓虎皆有  
靈要爲四民回天札沅州太守董壽光精誠實與神相羊  
夢中見神神與語一屬大筆題琳瑯依稀記得忠貞字占  
夢無心閱遺志始知神是將軍身揮豪遂作靈異記將軍  
之死由賀蘭如何人罵阿犂山一師不出生鬱怒卻憶浮  
圖著箭處男兒死耳復何云二十四郡乃有人記成字字  
增悲壯似有英風來紙上中丞不死將軍生賴此一與昌  
黎抗自古忠義士非奇埴井之鼃每疑之莫謂此文惟述  
夢昌黎亦有羅池碑

雄山弔滿太僕讀書處

滿公直節何煌煌能以小吏摧巨璫甘心下獄無驚惶  
關奴稍稍戢鳴張尸祝者民遍咸陽臥起請室凡七霜一編  
在手身銀鐐黑獄猶伏青蒲章危辭滿紙心如湯天子省  
覽爲彷徨知公每飯君不忘朱鳥徑許南方翔況有孝子  
相扶將前年登聞鼓礮礮無雙人自江夏黃再起尙寶近  
御牀是時朝政尤不綱公欲挽之比高光奪筆冀迴五色  
盲圭匕詎瘳百體疋移宮未幾氣倍昌直教魄奪中書堂  
以巖見憚呼爲狂削籍猶幸非投荒將大用公有烈皇命  
下公已歸帝旁憾不一救九鼎亡當公在獄心慨慷夢中  
忽見椒山楊儼然古服而勁裝公熟視之拜且僵豈前後  
身靈泚洋不然曠世終茫茫公歸銜恤枌榆鄉邊師失馭

兵諱疆誰知苴杖麤麻裳曉臂頓起三軍恆快靚忠孝如  
鷲皇狀公逸事畱繖緇柳州已遠誰擅場柔翰敢爾模剛  
腸雄山一柱排天閭巖嶭中有讀書廊於此常咀鼓與薑  
扶輿可待呈珪璋如虹氣指星戴筐嗚呼滿公直節何煌  
煌

方正學先生二柏一石圖

原注款公洪武四年清明  
前二日西村先生八十

壽命蜀二柏一  
石之圖方孝儒

周公得志成王蹙畢散諸人死溝瀆侯城碧血早蘊幽木  
末亭邊鬼常哭二柏一石予所寫劫灰幸脫金川赭文字  
禁後僅流傳歷久伊誰護時者銅刺接葉香來徐雲根卓  
地介則如小韓子亦繪事絕款題乃在高皇初二十八字

蒼且勁倔彊姿如書絕命當時藝苑金胡雄過眼雲煙詎  
堪競曾聞沾上藏畫松主人品目雙蚪龍少師墨竹徒太  
息惜不令見此柏石

遊南屏觀磨崖書

原注南屏山在興教寺後上有石壁若屏嶂然小南屏山在廣教院

後怪石玲瓏亦類屏嶂

天下磨崖凡幾見泰山石與浯溪碑有唐君臣筆復絕東  
西屹若琳瑯垂西湖侈說白蘇跡集中詩句紛金蕤行處  
不少洞壑古何以饒壁無單詞南屏山骨蠹湖側字刻米  
老琴臺遺當面琢出漢隸法數行倔彊橫生姿略無波磔  
祇瘦硬結體扶寸參倍之家人卦具象爻象肩以樂記中  
庸隨節和忠恕語摘錄要與風火義附麗鴻都石經不可

見睹此約略尋其規是誰補頤涑水款致目傳會滋羣疑  
往聞高廟夙愛重迂叟筆跡常護持母乃墨寶出秘府募  
勒諒在南渡時七朝盤游尺寸土賴有名蹟增環奇前年  
搜剔未及到徒耽金粉遺威儀今晨挂杖快凌躡流觀移  
晷忘飢疲鳳騫蚪攫元氣幹其他銘頌奚等夷肅衣拜經  
非拜石都監憾不攜檀椎原注南屏興教寺舊名善慶有  
齊雲亭清曠樓米元章書琴臺  
及唐人磨崖入分家人卦中唐樂記篇後  
人於石傍刊石司馬溫公書其實非也

### 江郎山

是何斲削青琅姿三蘄坼墮紛葳蕤一蘄一具紺碧暈神  
秀都出天工爲各各古色繡斑駁頗如鼎趾連尻睢器象  
奧衍不敢逼矧敢摩撫生癢胝又如抗峙當闌右右拱左

辟中紳垂天外瞻矚氣容肅圖寫槐序周官儀流俗品目  
罔出此哂余乍見滋猜疑云是江氏伯仲叔雲根立化肩  
相隨以此閱世播萬口余不更詰心自嗤古昔名山率以  
狀後世往往人竄之望夫競界各有肖動稱古老傳聞詞  
酈元作注每撫拾要爲文字增壞奇江家兄弟昉何代母  
乃未聞鴻濛時不然茲山萬萬古安有族姓詳宗支此義  
匪待知者辨丹青曷復煩吹疵作歌聊用狀形似勿驚翻  
解常華詩

### 南園古榕歌

綠陰覆地天宇黯蛟蚪攢擎風雨撼南園榕植自何年照  
眼蒼然不容孽昔聞此境最荒習歷志四裔罕載筆澎湖

河漢者舊集卷之十一  
島僅見隋書傳說毘舍耶放悲蜚人是人一種耳割牛皮  
地紅夷徙倭奴鄭寇互終始吹起腥風濺海水不解榕也  
於茲閱凡幾龍漢灰餘尙如彼我往官長溪曾見榕構屏  
頃來鴻指園又見搢梁形中間榕城奔走亦數數耶如此  
榕近我几榻青濛冥或言榕檠篆隸字本通或言榕以不  
材天年終不見五大夫受秦時封龍鱗錯落狀豈同材大  
難用古所恫詎有與紛紛衆木爭海樓詆謀爲榕雪紕繆  
爲榕剖樹老宜爲神所守靈異不數龍城柳榕兮榕兮於  
汝動古懷一日再拜舍汝誰爲儔

研北書屋觀尹拜石漱畫竹卻贈

君之於頗得彷彿拜石何曾具袍笏南宮蹤跡不可親海

外相逢驚笑兀作畫不作灰堆山誰從墨際窺虜顏賴有  
胸次竹千畝篋管谷落十指閒於茲妙契琴書理指下勾  
挑撇捺似山陰用意在筆先柴桑解識無絃旨乃知畫竹  
關天鈞槎枒露處甯非神不然揮灑偶游戲津逮何以難  
其人谷言讀書能醫俗坡言士俗緣無竹撐腸文字琅玕  
呈那不運腕森寒玉炎方歲晏冰雪無南榮日色瑩清曠  
君也解衣一伸紙橫枝側葉爭奔趨是時觀者皆歎息機  
趣如斯罕曾得辨香况爲海嶽庵大皴染外此憑軾移時  
放筆忽喟然我胡不自愛其顛畫竹不已捫亦駢會當三  
復南華篇

宋徽宗畫明皇訓備圖

馬蹏蹏跋棧雲裏靈武居然有天子歸來南內淚交流高  
將軍亦巫州徙張家婢子李家奴於天性愛何有乎儲豈  
不訓訓何事令我懷嘆於斯圖徽皇寫圖意鑒古丹粉黼  
閒畱秘府卷中家法淵李唐少海前星得規矩汴水飄零  
天水支北轅尤劇蜀山悲可堪五國吹沙地回憶東都點  
筆時

龔蕙晦

宣

副帥招同任伯卿將軍登赤嵌城望海作

蘋霞墮海海濛濛壯士御天天濤滄中流堅壁乃塗獲四  
際浮丹勿凝永聞昔此城劫荷蘭氏以赤嵌雄當關厥狀  
婉熾出紉髮屹然百雉凌飛湍婆娑洋外腥風扇赧駁重  
垣圍爭戰魚龍瞽聵掀且摧甌脫如斯詫奇變惟應望遠

憑高邱竚鼃島沒馳碁浮白波山立黑風斷奔走百怪收  
雙眸相於釣客任公子乘興侵晨片帆指況有賢主襲孟  
公將攜直上條侯壘初從甕洞循階梯周遭步墨勞參稽  
陶旅工鉅費不訾齒冷積發旋空輒連袂要復羞覩縷鬼  
頭曷足當懷古偶爾恣眺窮交岫不覺高歌動譙櫓人生  
遊涉會有期之罟蓬褐信所之樽桑指點此鄒郭誰令感  
喟消姚嬰礮車矢柰青苔臥殘堞斜陽影同破承平番戍  
此閒宜畫角聲中起巽慙暮煙現滅西忽東歸舟依舊乘  
長風眼中突兀意觸忤萬里波瀾莽迴互

白沙墩觀海寄伯卿

海東直北路一綫橫絕嶺岫當其衝峻嶒勢欲墮巨壑赭

圻日撼西來風立濤歎雪忽渟碧雲浮無際天垂空曦光  
晶射動不定水銀乍瀉青煙濛萬斛舟簸萬里浪峭帆瞥  
爾輕于鴻少頃目駭足亦側直疑下有蛟龍宮昨年憶共  
雁門客荷蘭城古凌高蹤振衣浮嶮歎四絕顧盼已足矜  
豪雄今來兀立更曠若滄溟近遠收雙瞳翻於鯢鹿苦障  
翳耶如此境開心胸故人憾不一把臂勝概領略誰爲同  
題詩寄去頗自詫此行真到蓬山中

自注蓬山蓋俗名距墩差近

十月十二日書事

歲陽旂蒙月在亥越十二日日方晡西南天際忽染紺非  
絳雲卷丹霞敷陸渾山頭射赭熾巖巖然紫纁彤幢趨燒空  
奇猷詫不滅燭我瞠壁明眉須渴吐啖暘欲飲澗神挂乃

在東北隅突兀見此伯凝洄驚倒百歲翁誰扶少焉掘塚  
障霾瞋狂飈朔氣聲號呼飄颻略不思挾纊蒸鬱直灼人  
肌膚風中有火古述載此事詎斥流傳誣曰燠曰風紀洪  
範伏勝劉向詞恢迂史家襲作五行志天時人事果驗無  
愚意此境僻海外炎荒氣候中土殊潮井火山靡不有猶  
鬼颶母茲所都平生少見宜多怪置身異域何疇區已知  
飄墮黑風國坐參常理資胡廬

題拜石印存

自從二篆生入分六書之學久放紛其後積漸變真草篆  
體益邈如浮雲漢京以還已失古闢卅少室同皇墳五鳳  
之甌甘泉瓦形模瑣瑣何足云比干盤銘神禹跡恢詭臆

解矜奇聞三段浪說吳皇象十鼓謬指周宇文有唐碧落  
及般若僅有傳者李少溫是其篆法在金石一綫差比治  
絲勢所幸遺製存斗檢鳳芝龍尤罪高靈私印流傳亦頗  
古回環鏤刻紆蚡緼吾邱學古足揚摧若者得肉與得筋  
俗手茫昧一亥部偏旁錯迕勞揮斤許徐歸李亦自勝文  
何秀勁含薌芬眼中笑兀尹拜石獨師古法迴絕羣遠宗  
元章斲花乳近攀穆情埽俗氛當其得意任揮灑寸鐵如  
走羊欣稍要於二篆得三昧况有健腕能張軍爲爾傾倒  
一論古勿嗤辭費秦延君

謝郎響山

維肅

司馬惠研

原注時  
方望雨

割取一片紫琳腴慰我十日饑且飭墨雲欲溺不復散

然灑過千畦枯老人望歲心頗切斥鹵何堪更龜圻舉瓢  
胡弗傾天漿撫此石田殊歎絕操約望奢惟情農旨蓄於  
我慳御冬敢言豪奪貴快意直求霖雨封飛龍

漁谿廢壘行

雲黯星摧四牆黑夜鳥墮巢狐竄棘云此當年屯重師指  
揮想見俞與戚寇氛祇今淨海邊峽江南北皆晏然蕭蕭  
故壘等甌脫野人每拾殘戈鋌牆隅月落寒蟬泣疑聽軍  
聲傳箭入宵深鶴夢自清閑露下喬柯任沾溼百年海宇  
際承平太息英雄髀肉生道途自顧垂老客猿鳥風雲無  
限情

春雨

沙洲集卷第八十九  
一春無霽色寸碧亦陰霾三月寒如此桃花不肯開江南  
知草長舍北見鷗來卻憶蘭亭外何人修禊回

水亭聞笛湘中作

湘浦此清絕翳然濠濮閒風前孤籟發煙外一鷗閑予意  
在秋水鄉心隔暮山曲中愁入破斜月正如環

讀杜茶村詩

一代扶輪手離騷信楚風如何房琯貴不救少陵窮橡栗  
悲饑鳳金焦夢驚熊年年杜鵑拜辛苦大江東

送陳梅岑

長鈞

之任武岡學博

君家稱太史碧海掣鯨魚已入先賢傳曾勞長者車文章  
空白下兄弟近黃初賴有中郎在風流未讓渠

月夜泊朱洲聽小伶度曲感賦

春風楊柳岸小拍拍紅牙安得雙鬟妙依然片月斜中年  
絲竹興長路水雲家可許離愁撥吾生歎有涯

燭炮難成寐因之歌且謠曲終江月白衣重酒痕消一破  
魚龍寂誰成鸞鶴招美人渺天末直欲上春潮

慰楊生

瑞

二首

杜精文選理柳濫水經鴈亦效齊梁步誰登鄒魯堂昔人  
窺六藝太史擅三長峻茂盤深後千秋業可忘

不朽寸心事名山大有人從來輦悅意何處斗牛津秘寶  
知希世先鞭狂絕塵無勞悲鍛羽如子豈長貧

夕佳樓話別

薄暮起涼風高梧月正東人將千里隔秋在一樓中遙夜  
怨長笛離情逐斷蓬他時儻相憶一問北來鴻

重晤黃莘田二丈二首

舉世尊文獻天留八十身無多棲鶴地兩度看花人

原注

康熙壬午舉於鄉至  
去年壬午重與秋復

北海顏師古南山杜子春竭來快重

晤不惜埽門頻

猶憶當時別期予早晚潮

原注予前銜恤歸里時翁送詩  
有期君似潮水早晚去還來句

閒庭遲客屐塵壁賸詩瓢總作浮雲感難爲舊雨招相逢  
仍慰藉樽酒共深宵

經嚴子陵釣臺作

清春山色好釣客賸臺基臺下水如此山中人可知悲歌

來沙社高躅老蘆茨

原注隔江蘆茨源為唐方干隱處

曠世猶相感吾將

何所之

上鐙夜揚州舟次

雨歇蕪城外春風太寂寥市鐙初上夜客思總無聊歌吹  
竹西路逶迤江上潮維舟渺前浦往事坐長謠

正月十六夜鯤嶼卽事

曼衍魚龍夜喧闐鼓角來將軍重橫海賓客快登臺古堞  
星攢出高爐火射迴還歌紫雲曲一瀉白銀堆

七夕讌集棟花書屋聞歌有作

大海潮聲沓明河夜氣幽遠遊輕過鳥獨處寂牽牛與博  
傳鵲勝懷增顧曲愁更深猶促坐為惜客中秋

哭從子

已矣尙何說因予累汝身相從窮海外竟作不歸人半世  
惟孤露浮生亦幻塵白頭雙淚盡忽復直殘春

過耆閭寺

黃葉聲中蠟屐雙來尋初地背秋江穿蹊詰曲行香篆隔  
樹微茫見佛幢西竺人回塵塚夢南朝僧老雪霜降原注  
東晉太元初釋惠元建沙門竺慧亦居此精苦有戒節見梁高僧傳六時鐘磬三生路趁聽  
松關雨後涼

春日雜興

昨夜東風到敝廬梅花消息遞空虛歲寒過後餘冰雪鄉  
味嘗來近筍蔬半格偶規長慶體一尊誰叩子雲居陽回

依舊窮愁甚漫道虞卿好著書

歸來未覺硯田荒終畝兒孫計正長潢潦無根徒自滿  
蚩蜉有力尙須量關心白日黃鸝唱照眼蕉園石室藏  
待得芳菲鬪桃李也應懷抱慰柴桑

舟次臨川訪若士先生玉茗堂荒寂殊甚感而有賦  
清遠道人不可見當年玉茗花亦無老伴殘鐙有紫柏夢  
回歌扇餘青蕪酸棗棠梨世所惜文章氣節公元俱入門  
再拜發深喟誰爲古屋驅蒼颯

### 鳳皇山懷古

霸圖歇後只巖扃便詡驚騰考卜靈天道殘山開艮嶽

原注

政和間築山汴京景龍門側象餘杭之鳳皇山又名艮嶽地極坏土種冬青鴉羣南內

聲如訴柳浦西頭集自零六殿荒涼城闕外當年曾憾小  
朝廷

七夕

每逢節序感無端浮宦孤蹤鬢欲殘磨蠓一宮身命厄牽  
牛四度海天看笙歌下里喧如沸瓜果中宵語倍歡轉爲  
情親動遙思斜樓念否遠人寒

六月二十二夜風起乍涼灑然有作

晝熱連宵苦莫支新涼今夕樂無涯林幽乍覺風鳴驟坐  
久何妨月上遲老去宦情偏耐冷閑來詩格不嫌卑依然  
心泰身甯處此意香山居士知

過江妃村用少陵明妃村韻

山下薜蘿水外門春風來弔美人村樓東綵筆朝雲散  
冢畔梅花夜月昏往事難消鼙鼓滅餘香不逐馬嵬魂蛾眉  
又灑傷心淚莫向珍珠曲裏論

秋蟻四首

飄零物態驗秋叢幻入南華想像中花底一生愁晚照離  
相明月怨西風絲絲綺思寒煙斷冉冉香魂曉夢空若與  
遊蜂相慰藉不堪重度畫樓東

會聞金粉富南朝瞥眼繁華咽暮潮狎客練裙餘幾許美  
人翠袖薄無聊慵繙宮體三千牘苦覓香蹤廿四橋行到  
小園衰草遍令人空憶鳳兒嬌

秋風秋雨病難勝額上勻黃淺不凝他日窺窗羞賣女秋

今遺篋泣韓憑扇捐統綺誰相撲璽冷羅浮料自憎栩栩  
笑伊無力舞惟應伴我睡蓊騰  
露穗煙蕪倦不支纖蟲於爾感衰遲鉛黃詎染滕王畫豔  
冶虛吟謝逸詩似記馬蹏香逐處忽逢蟬語碧殘時已判  
色界消除盡獨對蕭晨理鬢絲

春盡日

九十韶光知已盡曾無廿日值天晴虛過二月又三月慣  
聽風聲連雨聲別我堂堂馳淑序滯人緩緩就嚴程便留  
一刻金餘幾賺得青春白髮生

道山小築新成

一官刺促百無功懷抱平開半畝宮忍見苔痕綻春雨苔

綠茅屋破秋風孤桐片石爬梳出五架三朋  
清梅同草草便堪閑著腳况圍桃李鬬青紅

道山三十六奇處當戶時時望見之選勝底須攜謝屐  
幽孰與讀會碑峯陰坐覺晴雲散塔影窺從夕照移  
雨餘新潤挂捲簾終日碧透迤

原注時方望雨

此鄉結納憶從前往事驚心十五年天意雪霜留碩果故  
家池館失平泉誰歎話共虛窗雨逝者埋深宿草煙總作  
南皮遊後感春風開運轉蒼然

### 建溪舟行

灘因有號先愁險山到無名始厭多二十二年彈指過道  
途爭奈鬢絲何

雨窗卽事

水有三分竹二分一分屋臥半牀雲困人最是梅黃候煙  
雨都教上練裙

原注宋薛野鶴云人家須三分水二分竹一分屋見癸辛雜識

沅湘耆舊集卷第九十

新化鄧顯鶴湘臯編輯

長沙毛國翰青垣校訂

宋選貢士貴一首

士貴字品上衡陽人乾隆辛酉拔貢候選直隸州  
州判衡陽朱氏以名德顯於熙雍時品上之祖之  
素字槐望號梅巖遭獻逆之變奉其父避亂萬山  
中晨昏定省無少缺嘗與兄弟相失攜四齡從子  
獲齡出入鋒鏑中賊徒爲之感泣生平汲汲爲善  
以明經教授鄉里衡人所稱集益山房者也卒後  
提學潘公宗洛誌墓稱其至性天植行已有防範

子義齡葛齡蒯齡皆有文行蒯齡字席雲尤有聲  
與王虎止先生交好年八十四以歲貢與其子士  
莊同舉於鄉爲衡人所豔稱者也士莊兄弟凡七  
人品上其季也宋氏三世儒猶無詩可采茲從方  
志得品上詩一首亟登是集并識其略以明所重  
不定在此又以見舍此則雖有美弗傳也

登來雁塢

嶙峋塢影聳雲端石磴層穿面面寒城郭煙青冢粉堞蒸  
湘流激響飛濤古碑有字層苔沒絕頂無根老樹盤爲愛  
天南回雁處常餘一柱砥狂瀾

胡都丞詩

四十八首

霞一字羨門武陵人甘肅巡撫期恆復  
之子是爲孝緒秘書曾孫存人方伯之孫累世貴  
顯與年大將軍家有舊復翁初出判夔州數年臘  
膳甘撫羹堯敗葷連下獄議者遂以年門爲復翁  
病鮎琦亭集力辨其誣略見是集六十九卷復翁  
蒙難後寓維揚少霞以無錫籍充乾隆癸酉拔貢  
河工候補同知少霞名家子一官落拓旋棄去遠  
客滇西時孫補山尙書士毅徐兩松中丞嗣曾皆  
官滇素重少霞延主昆明書院滇士之學詩者多  
尊信之竟卒於滇西有吹篳樓集南詔野史訂正  
又選滇南詩集少霞入滇後繼娶大理王氏無子

卒後兩松爲葬於昆明城北之商山而歸王氏於  
大理蒙化彭翥者少霞平日所嘗稱引也至是官  
粵爲刻其吹萬樓集王夫人知書能詩歸後日夜  
念少霞仍回昆明守墓蓋才媛之有貞操者也吹  
萬樓集未見僅從選本採錄故所存不多趙夢跋  
詩話少霞失官作山人墨客來遊至滇白中丞以  
下隆之其歿也在壬寅五日食雞子十餘枚  
啗三大饗樂甚遂五雀繞行已而胸悶甚細君  
謂宜用二陳湯門生誤授以補劑卽逝此與少陵  
之以白酒牛肉終也何異詞人薄命至  
老猶悼一飽之無時飽卽祿盡矣哀哉

秋夜懷人遙寄伊人自天諸子

商聲拂高館夜氣涼初瀉離居紛積憂翻苦琴書暇南窗  
做蕭條素月流檐罅河漢耿已沈白露寒更下如何千里

夢會此迢迢夜

龍山石林寺用韋蘇州藍嶺精舍韻

空山答人語樵徑緣澗上尋幽忘路緬陟嶺得佳賞一峯  
削屏顏如拓巨靈掌松閒寺門出梵閣迴孤敞道流不參  
學宗風邈已往日落飯齋罷鐘鳴下山響僧樓亦復佳暫  
宿聊偃仰

觀湖

天色欲雨風颼颼頑雲覆野如帷幃長空飛鳥去無跡海  
波絳縹韡紋流浮圖絕頂試一蹋耳畔鈴鐸鳴琳瑯東南  
傾洞森無際卻望舸舶如虬蟬忽然雲霧四蕩涌黑浪聳  
立千犖牛天吳蜺象遞隱現撞鐘伐鼓蛟龍愁玉山何處

忽飛墮巨靈驅以西南遊神鞭擊山山迸裂碎瓊萬頃無  
人收海水汨沒後隨至沸涌匹練時紺紱歷巉鼓鼓落千  
險奔騰直欲搖十洲須臾潮盡風亦止波平如席雲油油  
眼前島嶼各森立幾點青翠空中浮我今落莫不稱意曠  
觀聊以鎖煩憂風輕葛衣健兩足雲淨涼笠清雙眸狂吟  
憑眺洗惆悵煙霞歷亂飛神州

淮陰侯釣臺

鴻溝已劃分項劉混一區宇勞營謀淮陰王孫屬亭長陰  
陵潰走重瞳休憶昔蕭條釣茲土一飯區區安足數丈夫  
白食語誠壯聽此令人感千古艱難百戰身王齊漸消兵  
革興耕犁漢王長者豈應爾橫海未肯容鯨鯢噫吁嘻淮

陰出處遭籠箠相君之背胡爲乎市止已受少年辱鐘室  
復被娥姁圖英雄胸次縱磊落置身如此良悲夫

謁萊陽二姜先生祠

浩氣神明在孤忠史冊存墓巴滄海遠雲木敬亭昏死亦  
全臣節生猶哭主恩還聞魏冰叔真筆荒煩冤原注魏叔子有傳

末劫何多難曾聞魯兩生艱難豺虎日生死弟兄情故社

悲荒蔓遺民惜老成青山畱廟祀憑弔涕交橫

和長沙羅汝谷拜墓詩

原注汝谷自序健亭先世居醴陵深口市崇禎丁丑臨盆

寇起劫掠三載晉祖近湘公奉檄督站聚族防禦區城賴以苟延癸未獻賊鼓噪而至焚殺一空嗚乎先公闔門殉賊無異空拳拉虎一綫百年杜鵑啼血聊誌感傷案羅氏事未見記載汝谷詩徧搜未得可歎也

太息前朝事驚心草莽中一時生禦賊百口死成忠歷劫

松楸在諸孫祭祀同年年夏市埤燐火欲騰虹  
滿目餘荒蕪淒涼馬鬣存英靈依祖考忠義有兒孫涿岸  
高扶碣龍灣遠朔源成仁皆浩氣不用弔煩冤

雪後登黃樓

憑欄想見古風流客跡飄零快此遊山色四重圍白雪河  
聲三面繞黃樓版碑照世生前跡詩卷懷人歲暮愁欲喚  
坡公同一醉羽衣吹笛最高頭

初度

荒唐一夢瞿然驚萬里誰令絕域行丹訣引年無上藥睡  
方消日抵長生儘教烏帽來頭責冑作紅顏與目成只有  
夢我增雪涕當時伊蔚竟前名

姚雨亭招飲席間賦贈

落拓津門感慨并相逢尊酒眼前明風塵笑我新鬢髮湖  
海憐君舊姓名世事浮雲過倏忽同遊昔夢記生平可堪  
回首南池月華屋山邱無限情

南詔野史訂正訖因題大理懷古

邪龍鵠拓事荒微遜國蠻風見亦希地上赤文符自見柱  
頭金縷烏能飛九龍浮木神先命三詔明樓骨不歸皮羅  
閣建松明樓誘五詔赴會祭祖五詔中越析詔於贈未赴  
會逾候詔皮邏遣雖被焚其骨爲妻慈善攜歸惟浪穹詔  
之骨皆成火燼故施中止云三詔  
太息虎蛇輕啟侮萬  
人家草沒煙霏

賜劍山河戰伐中神川功業儘英雄當年自識尊唐統後

代誰能繼祖風三塔妙因成獨久五臺王氣鑒先窮十三  
傳絕紛乘竊白段天教與宋終

詠石斛花

故曳黃繩學道妝數莖風外婉清揚非關水土天然活略  
潤煙霞別自芳高髻步搖金雀豔深宮齟齬玉魚涼何人  
爲寄華陽洞早辨山中服食方

歲暮言懷呈孫補山中丞徐雁隅方伯汪芝厓廉使  
許春巖運使

西南漂泊未甯居甲子看過小劫初近帝依然身寂寞詣  
人終是足次且衰年有病難求藥老眼雖昏不廢書幸藉  
羣公垂憫蔭鵲鵲散託一枝餘

題洞庭女史卷

碧雲樓閣敞空虛  
清簟疏簾插架書  
坐對青山開曉徑  
一湖春水美人居

春申澗下作

春申澗下水潺潺  
十老詩名碧社閒  
何處幽人臥空谷  
獨畱猿鶴伴青山

江南春次蔡珠江韻

月華衫子鬱金裙  
綈袖垂肩坐日曛  
閒卻春風無用處  
繞身香霧著人熏

風絃露索散清音  
日午湘簾委地深  
怪底傷春兼病酒  
一時無奈是濃陰

滇南望遠詩三十首

涼驛秋風少日名白頭感舊說新城曝書亭集長梧卷一

代機雲有弟兄原注朱長梧為竹垞族昆弟嘗有句云秋風故山別涼驛小車來阮亭稱之為延譽

於公卿長梧感之至於後齒

時名四十竟蹉跎慚愧明公獎借多記得小滄浪舊事何

曾自著虎皮鞵原注乾隆初願侍郎聞方撫吳招羨門於小滄浪亭詩酒唱和時年三十一至滇賦

此詩則已四十矣

幾年著作直承明萬壽詩來御榻橫曾說九重親賞識是

何年少笑韓翃原注康熙中在山樵供奉內廷後除醴泉令為萬壽詩賦以獻聖祖指謂諸臣是

何人冊子咸日似陳邦彥書蓋山樵姊夫也上笑曰此

落托後進易之山樵名不為意

塗收結髻儘風流儀態爭如素女優遠向江南歌楚調美

人當日杜黃州

原注陳眉仲詩文高古居於黃岡游於江淮大似杜茶村

月落鐘殘祇樹林平生師友舊論心垂虹秋色三閒屋老

驥孤桐感慨深

原注陸雙橋寓鹽官佛寺與羨門論詩文為詩友後歸松陵自題其門云老驥未忘

千里志孤桐空抱五音材

籍甚春帆六十年幾時辦得米家船褐衣莫染京塵色歸

日爐頭當酒錢

原注趙飲谷有春帆集名籍甚以貧老客京

詩狂酒渴一生休弄筆然脂費校讐寄問梅花新燕子可

曾巢上據經樓

原注彭湘南深於選有據經樓淮揚錢校書慕之獻詩云願得化身為燕子春風巢

向據經樓

煙月揚州興偶乘登壇詩筆氣峻嶒他年蕭寺同尋句可

有雲堂舊口僧

原注西寅嚴桐峯給事李讀國太史同寓小祇園與美門兄弟為文酒會焉

紙閣蘆簾筍蕨廚根塵斷盡道形臞看君歸去華陽洞已

在神仙位業圖

原注金壇史梧岡教授茹疏衣褐著西青散記兼工書畫

溯遠通門舊往還竹西文酒接清頗似聞頗為朝參懶離

墨山頭放白鷗

原注陽羨李讀園與美門有通家好時客揚州

不仙不佛不儒稱跌宕奇老愈能烏帽脫來誇白髮風

帆一日下江陵

原注王雷門少尹從事河隄放浪詩酒檄除巡官棄之襄楚去使者追之不及乃已

風雨彭城喜盍簪別來梁益恣游探幾回亦欲馴龍性奈

有嵇康七不堪

原注何無忝參軍放浪不羈先官於滇乞改浙以銅運落職遊梁益別後以年老歸

里

雲門山下若耶邊聞賦閒居亦有年常覺別絃揮不得天

風海水憶成連

原注聞入南懷會稽進士去粵令歸贈  
羨門詩云同作異鄉客母爲揮別絃

流盡渟泓照鬢絲摩娑老眼百篇詩遙知梁歇山前月鐵

笛漁簑獨往時

原注翁黨堂徵君贈羨門詩云年  
年流盡此渟泓乍展君詩老眼明

夙昔詞場早擅名從教落拓笑狂生一言何預詩人事白

髮青山大有情

原注張天詩仕不遂詩云青山  
易落詩人手白髮難辭鏡裏顏

茱萸灣口木蘭船楚雨吟成只自憐亦有春情消不得鬢

絲禪榻杜樊川

原注長洲方尊亭爲甘泉學圃題羨門  
楚雨詞云天進樵翁鬢如絲風致可想

蒼浪須鬢愁心細縹渺春雲賦意濃重揭南亭舊詩句吟

魂三日夢吳淞

原注羨門南亭詩  
王月香亦和之

刻燭拈題夜漏分尋常詩酒張吾軍歸裝爲檢吟囊看定

有蒼梧野外雲

原注戴玉亭與羨  
門同里時客梧川

張郎詩句最清新詞賦長門感侍臣夢裏鳳皇城畔月者

同淪落更傷神

原注張綺襄於吳陵贈羨門云同是天涯淪落人

十載長淮記舊遊驚波中道更移舟酒邊花下吟情好白

首為郎未是愁

原注胡南村大令自淮移浙將擢郎曹詞云鑑鑑香濃酒邊花下吟興還如是

潦倒金華老鄭虔醉來遭罵想依然何如歸去荒江上茅

屋蒼苔在石田

原注隄齋廣文

亂書圍裏響牙籤雅有風情及老髯漫道家居稱入寶詩

篇七寶亦莊嚴

原注寶應齋慕韓為學齋太史孫太史有亂書圍人稱老髯慕韓有祖風

不關坎懔為詩窮今古才人遇略同天與頭銜仍故事秀

才應復署江東

原注諸是

可鑑西湖如玦環蘭亭素亭皆潯顏一麾卻與今情慰又

到盧龍塞北山

原注杜補堂按補堂與少霞爲中表兄弟

第五高名山阮儔懷君長憶竹林遊愛他官舍漁洋句紅

藕香中望鄭州

原注稿五溪爲相國文敏公子以甲子副貢判鄭州

幾回姜被共聯吟別後漂零不易尋豈爲微官荒筆墨十

年婚嫁向平心

原注胡東山

魚鳥琴書雜管絃吟春同上泛湖船竭來自覺詩情減未

必西堂夢惠連

原注胡雙齋

白沙江外雨沈沈送遠詩成感慨深真見懸崖能撒手吳

鉤腰下作龍吟

原注胡澹園

蕭江十載記從遊蠹簡同探讀未休應念夜郎天外客吟

詩題上夕陽樓

原注胡收夫夕陽樓在鄭州想客於嵇署也

詩筒茗椀屋東西舊隱何時得共棲  
賸與春風知此意杜

鵲紅處杜鵑嘯

原注胡壽泉五胡皆其兄弟也

郭曲江燦

六首

燦字仲甫善化人乾隆癸酉拔貢歷官麻陽教諭  
曲江知縣仲甫與兄煥齊名友愛甚篤官縣令時  
多善政建曲江祠風度亭邑人奉生祠祀其中今  
所傳羅洋草其所刻行也有詩集未見

遊西晃山

丙子歲三月葛懷有遺民坐臥南山南慨然念良辰是日  
雨初晴聊用豁吾眞枕上百禽語披衣還欠伸杖策出門  
笑衆峯相與春冠童五六七懽言撥荒榛細路如長蛇盤

盤阻嶙峋平臨深復入  
丘壑情一親豈無耿耿懷含意未  
可申呼我尺五天探手驚高雲濯我百丈湫投足愁修鱗  
茲遊在春暮招邀何主賓山腰度阡陌良苗此懷新靈洞  
跨石橋勝蹟尋前因意敗神物繫氣定餘勇臻絕頂夫何  
知乘興爲聳身徐步已呿呿屢憩乃踈踐所登忽已高始  
覺人寰塵白雲欲飛盡古寺羅松筠橫肱就石榻兀坐承  
花苗吹火香積廚開筵羅肴珍舉杯澆青天我是何時人  
旣醉飯亦飽且復遊其神夕陽生遠煙長眺迷城闕吾將  
御風遊太初以爲鄰

按此詩見沅州府志  
亦見羅洋山人詩鈔

齊天山行四首

到此天真近山花匝匝逢馬蹏青玉疊僧舍白雲封樹老  
欹橋度溪迴野碓春半腰愁幾折鳥道歷重重

斗覺平如掌憑鞍四望通蒼煙爭髑樹紅葉欲燒空延佇  
疑無地飄搖信轉蓬前峯方指點馬首又從東

細路騎青脊行行眩作花高低仍地軸煙火忽人家怪石  
危蹲虎狐腋曲走蛇夕陽鞭不得銜轡度欹斜

萬山煙點點一壑水粼粼禿樹巢鴉鵲懸崖鑿鬼神雷聲  
驚到耳雨氣溼沾人聞說蠶叢險崎嶇見此身

遊湘山寺歸路

歸路青龍眷孱顏興不平孤煙邨頂卓殘日樹腰明石磴  
披衣坐巖扉乞茗行回看向來處月湧上方晴

舒選貢才博 三首

才博字遜友澈浦人乾隆癸酉拔貢

鐘鼓洞

癖性耽山水佳處輒登臨所貴怡神志不必定高深茲崖  
在辰浹壁立卓千尋旁有鐘鼓洞徑狹苔蘚侵書朽仙蹟  
杳聲希遺響沈歸舟坐孤悶搔首試微吟俄頃東臯上飛  
鏡挂疏林風從石罅出波蕩塔潭陰衆竅鳴天籟空谷足  
清音聽之謹以號疑奏革與金欽欽悉協律簡簡聲滿岑  
向予疑洞名今來豁胸襟得意渾忘倦欹枕已橫參夜靜  
萬籟寂江介秋蕭林

戲題紗帽山字路

兀誰巨筆可如椽寫作銀鈎挂碧天宛轉蛇驚荒草裏迴  
翔鳥戲白雲邊只應載酒探奇字未許操觚擬太玄自笑  
毛錐真不濟夕陽古道且留連

我馬云瘡我僕痛艱難歷盡見歡娛紅飄霜葉添新料白  
湧雲山入畫圖爭路不曾逢貴主學書何事問擔夫未知  
長史今誰在我且登高試一呼

李選貢太統一首

太統字鴻緒芷江人乾隆癸酉拔貢

遊景星寺

出郭山已幽一雨破清曉老樹愛新晴霜前葉猶好爲探  
古佛盧曲磴步深窅粥鼓絕統如初地信無擾殿翼本淳

樸難言締情巧蕊蕩差解事空階勤汎埽滿院墮繁陰屋  
後出松絲瓷斗綺石閒位置不嫌小閒房更寂歷當楹顏  
忍草盟頻到軒窗乾薛剔以爪何曾忍一莖此理固要眇  
平生癖遊興況此契塵表我來作佛事頂禮名山老裴回  
不忍還墓煙生樹杪坐久當安禪或聽迦陵鳥

羅選貢萬卷一首

萬卷字凝亭桂東人乾隆癸酉拔貢有桂溪集

弔忠烈母公

有序

公名崇正四川拔貢崇禎末令桂東十六年張獻忠陷  
衡彬遣賊徇桂東衆皆逃公曰吾爲朝廷守土敢愛死  
乎賊至執之不屈罵賊死焉民皆爲涕泣萬卷先世公

步涉者有集 卷九十一  
部民也與聞遺事作詩弔之

義眉山頭萬古雪中有偉人英且烈作宰漚江值明季滿  
地煙氛愁欲絕賊烽壓城日欲昏到處降旄爭出奔獨抱  
孤城心慷慨城亡與亡存與存大呼殺賊賊魄褫衆寡莫  
敵勢不支崇禎癸未秋九月城陷不屈公死之是時蜀都  
更苦賊紛紛豺虎交驅逼錦官城外嘯杜鵑萬里忠魂歸  
不得二三遺老時嗚咽眼見當年頸濺血街談未竟淚先  
流罵賊獨聞常山舌滄桑變後原野空鳳皇山下土花紅  
衰苑無人綠馬革至今夜夜生悲風嗚呼公生愛民如愛  
子城亡與亡得其死轡軒未上英氣存遺民數語當青史

湯訓導相弔一首

相弼字代言號寅軒零陵人乾隆癸酉拔貢借補  
桑植縣訓導有寅軒文集風木吟

綠天庵

閒尋野興出城隅爲憶錢師訪故居萬古綠天僧種後三  
春紅雨客來初墨乾敗葉蕉成石筆委荒榛塚作墟衲子  
何知談往勝花邊祇誦梵王書

王訓導藻一首

藻字雪堂零陵人乾隆癸酉拔貢借補保靖縣訓  
導有出山小草

綠天庵懷古

煙冷空山響木魚當年懷素此幽居談禪不貴無生語問

字頻回有道車碑上墨痕光黯澹池邊蕉葉影蕭疏千秋  
遺跡尋衰草榮翰誰工屋漏書

劉贈君煥

五首

煥字音昭號石峯零陵人乾隆癸酉拔貢以經學  
教授生徒內行肫摯治躬嚴苦藎篤行君子也子  
方瑚方璿皆相繼拔貢方璿余鄉試同年也亦以  
學行爲時所稱

上忠潔公墓感詠

有引

甲申之變內外戒嚴詔天下勤王公以御史視學北直  
時行部至易州聞警卽戎服入京比至城破已三日矣  
按此據公家傳與明史異公縞衣哭君血書訣父遂自  
考公家書致命在十九日

經於上湖南試館之椿樹上三僕倉卒布棺窆於館之  
荒圃越順治十年京山秦嘉系始捐金購地遷葬公於  
永定門外石欄莊公氏一城賈易州距京三百里離賊  
尙遠卽不死當無以大義責公者知必危然且至此豈  
處危城徵專諡二十一君子所可同曰語也當時敵騎  
充斥殺人如麻而公以書生衝鋒直前以視擁重兵  
不進者爲何如吾不難公之從容就義難乎公之勇也  
公諡忠潔贈太僕寺卿 本朝諡恭節

忠魂依托禁城東展墓鄉人懿好同里社枌榆悲往事桃  
花淚眼並爭紅

補袞回天願未酬踉蹌入告冀同仇捐生若了臣心事白

骨青山在易州

乘驄御史且行行短劍衝鋒百萬兵處女驚鴻誰識得若  
思養晦是平生

未分虎竹本閒身况復堂前有老親不拜新銜高蹈去何  
曾抱愧晉遺民

鳴鐘朝士各西東六等爰書定罪同究竟先生今未死黃  
泉碧土寸心紅

沅湘耆舊集卷第九十終

沅湘耆舊集卷第九十一

新化鄧顯鶴湘臯編輯

長沙毛國翰青垣校訂

楊教諭瑞 六十二首

瑞字覲班一字香崖亦號湘崖龍陽人乾隆癸酉拔貢歷官醴陵安仁教諭有香崖詩集香崖曾受詩法於研北翁遲回冷署資薄祿以著述自娛居長沙最久嘗與吾邑吳蘭柴孫石溪唱和又與白沙翁同年交好白沙集中有答楊教習覲班見訊及寄覲班作諸體才力與白沙埒而風致轉勝蓋白沙以樸老勝屏去俗流耳目而香崖風韻不薄

未免放翁所云俗人猶好也姬人趙氏亦能詩香  
崖歿居長沙久之始卒遺集皆其所手錄也

月夜放歌

碧落亘無地銀光潑眼明坐我古簷下滅燭當前楹溽暑  
一以滌蟾蜍倏已升大星何燦燦小星方熒熒雖有千尺  
碧輸此百道橫閣道在我戶嫋嫋御雲旌精魄浴天海紫  
射相鏗鎗瀟湘搖倒景或恐蠪龍驚元氣中凜汨仰視星  
宮澄萬里見平楚莽蒼連巫衡如有萬蜃氣妖露百怪生  
疑此虹貫渚歛若金盤傾包絡大瀛海矮陀三珠撐玉女  
視之笑引手扳長庚豪吟呼李白磊落吐瑤瓊鄒枚嚴顏  
謝卻走恣憑陵豈慮鞶韞絕不下十五城彼豈有奇策將

將兼將兵然猶中師律固不以力爭是氣所糾結天地之  
至清得之者數子足以橫滄溟呬啜秋蛭竅瑣細寒蛩鳴  
未云穿溟滓豈合發新硎赤手搏鯨鬣斧鑿愁五丁懸以  
筍與簏叩之生雷霆轟虺震人世紫燄噓青冥或翳鸞鳳  
翼磊磊垂列星仰天叫明月倒吸雙玉瓶

新月夜坐

曲房亘瀟漫修室交蜿蜒蕭蕭寒颼緊淅淅清露溥晤言  
意未歇自注與慎庵夜話新月當我前一月一回見一見一生憐  
當睡刈蕭艾攬佩擷蘅茝自發篋中秘鏤鐫鳴朱絃晚晚  
亦何憾撫景良可歎

復雪

古有快雪帖我無快雪詩此景吟不得圖寫臥對之夕陽  
散晚暖崖壑增幽奇上有潛蛟樹下有鳴玉溪寒風激孤  
響林樾餘煙姿稍辨浦潏影時見樵子歸潛鱗清可數林  
鳥相娛嬉觀物悟元化俯仰呈清機妙臆攝豪素大醉驅  
瑰詞再歌紫芝曲長此遂幽棲

雨中述懷

驟雨撼簷瓦屈注長河奔黠黯忽異色蛟蜃相摩吞吞候  
剛及半百卉滋豐繁土膏蘇霏霏溝畛控流津小人有田  
廬耕種實所欣豈惟殷振念載觀造化仁曰余甘粗糲夙  
志嬰邱樊聲名日汨沒筋骨疲川原浮家累妻子豈不念  
險艱萬事苦崩迫意氣慘不伸當時躡飛鞚萬里馳風煙

歷塊忽一蹶中道攖迤邐伯樂無時無遇合蓋有因結念  
非有激感時竟難捫東臯我所慕已約營溪村一犁臥春  
雨幽抱遂吾真

竹實鳳所食丹山鳳所棲人生論遇合置身貴及時主人  
經綸手持節東南陲指略見韓范贊佐倖臯夔憐才到吾  
子驂騑乃一嘶顧盼輕珠玉豁達絕猜疑縱橫吐異論令  
緒揚芳蕤餘力破溟滓氣酣達所爲西山空翠來刻劃呈  
鬢眉空翠落齋壁波濤驅瑰詞機雲俱才彥歌嘯窮扳躋  
勿令山谷老鐫名雄江涸別子今幾日有句寄所思我思  
不能已愛子春雨詩一讀一悽惻高義人莫知我無垂天  
翼安得與子隨祝融千萬丈崑崙連天梯約子凌絕頂一

覽九州齊百花在衣帶下瞰橫煙霏美人在天末折芳富  
贈誰

### 舟中望嶽

天清日落搖霜蓬大風迅埽翠四空遙望七十二峯出發  
鬱竊杳清濛濛不知嶽嶽岵嶮萬千狀何者爲天柱爲祝  
融峯勢到天半蟬娟何丰茸滄溟盪雲海幻滅御龍公但  
見羽人絳節叱元馭雷車電轂萃萃紛追從靈之來兮紫  
燄燄又似朱勒赤鞅被長離而翼穹隆鉤陳閣道界天漢  
炎帝赫奕遙當中神官纓絡麗兩翼赤虬爲護鞭長虹元  
氣至此大發泄斧鑿倒難神無功終南少室培塿耳瑰瑋  
不敢談華嵩更一萬仞凌絕頂紫蓋截葉當璇穹靈巖遠

連玉女觀天門斜對蓬萊宮東瀛日出駭霞沸扶桑倒壓  
波濤紅大哉坤軸內一柱東南雄詩人選客工琢鏤刻鏤  
無力追天工憶我熒舟今幾度靈境彷彿蟠心胸峭帆又  
復阻攀陟蒼翠洒面孤吟筇安得米顛顛癡大烘染使我  
終日臥對探奇蹤

子旣和王晔詩月彩四溢又濡殘墨率成長句

翦金絡壁燦兩廂寶幢畫燭當中央雙童行酒不辭醉寥  
天放出白蒙光我行不行意兀兀冰綃鬱沸鑪薰歇如此  
良夜不忍過走向中庭望明月明月影弄十二欄著我疑  
在青雲端雲深香動宿無際銀河斗瀉冰漸潄琤琮恍聞  
環珮響笑語驚落簾鉤上天上人閒渺不分撻鶴鞭虬絕

塵想人生浪跡吁可悲  
秉耒挈雲事不齊  
青鸞喚作霓裳舞  
對此不樂甯非癡  
我欲問月月無語  
高歌鬼神入驅使  
誰能知我此時心  
劍花怒斷生蛟兕  
杜陵枉自營懷西  
柴桑豈是長醉迷  
正擬騰身跨汗漫  
底用倒翻鸚鵡爲  
龍泉之劍下若酒  
酒酣鯨海搖星斗  
詩成一笑凌滄洲  
天濤雲閑竟何有

豫章行贈南坡作

二月春水生  
告我豫章行  
滕王高閣臨江渚  
玉棟珠簾貯歌舞  
歌舞歌舞有時亦消歇  
萬古青天一明月  
明月在天不可呼  
鄧子老筆王郎俱要登  
廬阜最高頂  
寫出浮空積翠半  
天影顚風轉日激飛濤彭湖翻動魚龍高  
大姑小姑雙翠

翹寄石截住青嶂巖香爐鬱不開千載沈風雷雲中揖五  
老白雲深縹渺挺蹇促月呼李白筆捲長虹蒼石裂詩魂  
千載飛下來泰華攬天元氣結滄海東流不復迴青山白  
髮潛悲哀人生得意便可住鸞膠鳳臆不相負春花爛漫  
搖青紅風光流轉無西東去年傷別今又別瀟湘夢冷春  
雲空祝融峯頭一回首青眼高歌望君久

長沙鐵柱經歌

有客示我鐵柱字殷勤乞我試作歌我背慨歎吟無暇眼  
明忽若疑伽囉淳化元年天子聖聖躬仁孝符天和遂令  
嘉祿被士庶天花絳繚揚曼陀誓寫心經敦孝理錡治頑  
劫紫微呵疑然董公江都後使筆如鐵鋒錯磨譯經翫義

百千傷菩提薩埵耶摩訶斬斬銛鉞斷鼉脊嶺巖波磔驅  
輪漚如水斷蛟陸刺鼎豪鏑四溢揮長戈猛如大將斫雲  
壘健如精衛填江河險如電雷裂地軸快如貝闕騰龍梭  
天骨森聳妙秀削又若玉女來傚傚鉤勒信有萬牛力光  
怪直逼隸與科快哉李昇好鐫手刻鐫豪髮無差訛中丞  
梁公駐使節前身似是來毘羅運際休明嘉徵見載詠麟  
趾廣嘉禾奉 敕發帑大張拓靈光魯殿重嵯峨樓觀宏  
連絡壁珥寶幢翠旂花鬘髻顧令此柱重磨洗星芒突出  
河淮波覆以大蓋輶以石千丈傑立屹不頗吁嗟寶物不  
易出鬼護神持歷歲多燁燁炎炎光不滅貞銘獻頌非婦  
嫺遠與磨崖並不朽豈等寶繪雲煙過還客此本坐太息

我歌柰此才薄何

傅家磯

危磯壁立當風潮兀與湖勢爭雄豪南船北舫勢一聚日  
落不落天爲搖連檣結纜拍手笑紫鱗行酒相招要吳人  
吳歌楚人謠水波不動星辰高星辰倒浸鮫人綃魚龍出  
沒羣靈閉疑是元螭降貝闕不然交甫投瓊瑤洞庭祠廟  
枕茗堯靈風瑟瑟神光超平生只辦扶犁手豈意重犯龍  
鼉驕鐘鳴浪靜一回首鳬鷺蘆荻相蕭騷詩成剔蘚書大  
石往營千頃歸蓬蒿

金峯

君不見金峯巔巖一萬重割斷楚粵攔天雄兀若雲堊抗

仙掌下瞰無數青芙蓉一峯冠初覆兩峯躡其蹤十峯五  
峯鉤連宛相屬倏忽雲奔海立幻出千百峯前峯方吐霧  
一氣吞鴻濛後峯颯風雨怒瀑轟龍宮金支翠蕤我我天  
馬駛雷公電母閃鑠鏗洪鐘不辨虞淵色安知扶桑東搖  
影洞庭裂青草倒入岫嶠駁紛青紅黑風吹轉龍鼉徙  
怪變軒躍千穹隆譬彼龍伯鬼物掀振風濤相撞舂豁然  
闔闔啟娟靜如秋空煙消霧散露眉睫洗滌千嶂晶光融  
美人鬢髻髮可鑑蒼翠灑落衣裳濃虎豹磨牙獅象立鱗  
甲怒攫號寒風崖竇陰閤太古雪蹇嶢勢走千年松萬壑  
聚此真宰訴剗刻無力加磨礪天空月白更奇絕星河倒  
瀉寒淙淙搜索百怪到山骨毛髮森森鬼神攻白豪百道

下崖峭疑有雲氣纏蛟龍旌旗婉嬋仙仙下但見金銀宮  
闕蓬閤通我時整衣坐乘輿若冥鴻曾聞談黃海亦或踏  
華嵩足跡所歷半天下對此駭愕迷行蹤不知何年此融  
結鼓鑄元氣留神功明朝躡顛頂牽挽支吟筇且可披襟  
通吳楚豈但俯瞰卑城墉雲車煙轂滌變化盪我萬古磊  
落之奇胸九疑天都在衣帶下視六合如蟻螻歷千萬載  
無終窮

舟發喬口至羅洋

天江滄溟波淙淙鯨鬣騁怒驅龍宮放帆美滿料峭風日  
落不落濤頭紅鼉極六足撐溟濤翻風轉石千丈虹鬼物  
撇捩奔蛟龍白馬蹴裂冰綃空明月珠子光熊熊金撻王

度相撞舂貝闕倒翻愁波童飛廉挾勢當其衝颺颺欲拔  
橫江楓羅洋一點明滅中與波上下青丰茸湘妃漢女珮  
琤琮翠蕤雲罕紛導從煙迴霧薄暝色同蒼水使者真神  
功一氣迴幹濟錯綜陽開陰闔回長虹麓山峩峩眉黛濃  
快哉不辨風雌雄呂梁濫瀕險則同濟川之策神明鍾須  
臾風止艤孤篷江簾酒渴聞晨鐘

麓山寺碑

北海登朝氣慨慷干將莫邪鋒難當餘事書翰俯流輩銀  
鉤灑落揮琳瑯麓山之碑古所羨宣和寶晉爭珍藏搜崖  
歷仄撥榛莽磨奔馳嘯猿嘒霜兵氣溟濛鬱紫衍澗泉奔  
欽鳴滂洋寺經劫火支筇杖路入窈窕難幽篁助螭鳳晶

五千丈字形迥緊鸞鸞皇意偉詞麗句可讀圭角刻露分  
豪芒鉤簾棗几日展看虞褚安得我縹緗憶昔開元全盛  
日選用文士登朝廊署尾黃麻詫姚宋龍媒起草吟韓張  
昇平雅頌擬金石詞翰多出中書堂自從林甫據權要蕭  
羅嘲嘈如蜩螗宮狐腥穢朝省吉士鉗網嗟銀鑪北海  
剛嚴檻可折英風颯爽迴天闔飽粟豈同立仗馬騰聲何  
止威夷羌當時風節動朝野豈但筆跡追鍾王一朝剖符  
鼠煙瘴離騷哀怨彈瀟湘往往冥搜出新意雙鉤大絹堆  
方牀縉雲少傅不易得此碑腕力尤專場天生斯人足千  
古嘉禾一炬供螟蝗碧血繡澀蝕苔蘚楚山花木悲斜陽  
高文巨刻照巖野使我摹寫心魂傷

惜桃花

城南斜日桃千樹細騎輕筇此中去近橋一樹紅不同立  
盡東風嬌欲語路迴疑入武陵溪寺近錯認元都非明霞  
攢簇疑無路胭脂小片沾人衣風風雨雨勢太惡昨日花  
開今日落花開花落花豈知楚血湘魂共蕭索可憐豪華  
滿眼新明珠金雁成埃塵曉露滴殘金谷月夜烏嘯斷玉  
樓春玉樓金谷人幾在明歲花開顏不改綠茵踏藉爭肯  
來華髮淒涼不相待當時遊侶盡能詩意氣傲兀傾豪危  
一曲遙聞折楊柳黃鸝陌上誰家吹月澹煙疏一搔首浩  
歌且盡湘醺酒

邵陵懷古

舊屬零陵郡雄封自彈丸獠奴蟾背破蘆管鳳聲殘銅馬  
通渠險征旗接塞寒橋犀一勺水遙接伏波灘  
邸第消金翠名藩說宋元鸞旗通繡轂龍首扼朱垣墜粉  
宮亭在衰楊落日昏叢鈴與珮碎愁絕不堪論

山湘潭入衡山

浮家非得已幽事愛江鄉山郭明殘黛人家半夕陽浪吹  
魚子細夢近蓼花涼亦抱圖經看蒼梧望渺茫  
草草賦行役依依適遠津煙波千堠雨鐙火一家人天意  
憐遊子慈暉及小春連宵話山色劇喜著閑身

紅葉

風日麗嬋娟愁心驛路牽山川殘照裏關塞別離邊一顧

生憐惜相逢感舊緣  
孤蒲千尺浪欲去意纏綿

同張鴻浦歐陽松閣聽陳體齋談郭崑甫遺事

堂堂經世守可但擅文名  
不作禰衡死空憐賈誼生  
酒杯

淹歲月墨海戲鯢鯨  
大樹悲風地長歌涕淚橫  
自注大樹謂崑甫京

跡禹遺

鎮筵雜詠

始信巖門險行行路折盤  
渾疑天欲盡恰值雨初闌  
馬腳

穿雲入峯尖渴澗寒未須歎  
幽仄轉覺置身寬

磊磴初嘗險逢人問石羊  
萬山疏落木一徑出窮荒  
羸僕

扶殘醉寒鎗照薄裝  
無端幽興發極口總蒼蒼

石洞

不似仇池穴分明小有天  
鐫鑱眞宰泣窈窕碧雲連白晝  
嘯風雨蒼松幾歲年向來題記處  
吟望更誰傳

振橋

彷彿寒山路扶筇問短虹  
花明秋水裏入渡夕陽中  
石壁炊煙暗溪堂鶴徑通  
年來幽興熟來往虎山東

送鄭炯庵之官漢陽

青草湖西客路長  
片帆離思迴蒼蒼  
行經鄂渚窺重壘  
天入晴川俯大荒  
寫韻舊傳靈麓碣  
移舟新摘洞庭霜  
魯山明月卽官酒  
到日題詩滿漢陽

重陽日同葉南軒陳蘭莊家朗亭兄至春亭書室

西風吹帽幾徘徊  
又向佳辰一舉杯  
大地江聲隨雁到  
一

簾山色壓城來英雄戲馬空遺事勝跡持螯閱劫灰愁絕  
重陽今又過相看懷抱幾時開

登華容趕子山觀音閣絕頂眺荊州

磴道屢屢煙欲開支頤小住倚崔嵬吳帆歷歷迎潮去郢  
樹依依擁翠來縹緲山盤巴子國蒼茫猿嘯楚王臺坐餘  
題詠情無限滿地松陰覆綠苔

踏閣攀林望眼空大江縈帶畫濛濛中原舊抱嶢關險重  
鎮遙分井絡雄山色岷峨青欲斷春湖沔漢碧無窮不須  
更續英雄記郢笛蕭蕭曲未終

冬窗雜詠

手翦寒鐙小幔垂歲時惆悵感前期百年耆舊消應盡一

壑溪山卜亦遲青鏡功名誰獨擅法家文字類多師平生  
吟習今成癖萬事輸人不賣癡

過去紛紛記不真眼中物色亦常倫發揮天地無多事主  
管風騷得幾人心地迢遙消蝶夢哀絲豪宕落梁塵而今  
厭說從前累乞榜梅花著此身

挂腹堂堂萬甲兵兩京詞賦舊崢嶸三花市自矜麒麟五  
色天終愛鳳鳴經術本爲天下計雲臺不著野夫名深慙  
守拙身無補擁卷猶堪敵百城

杜韓而後數蘇黃詩筆何人獨擅場前輩風流嗟寂寞舊  
家文物劇淒涼大川砥柱能迴得土界雷文孰取將正使  
挽回須大手蒐羅應不到齊梁

晴

四角晨曦入曉闌  
炷香瓶水意多歡  
山腰翠欲沈沈瀉  
簾脚煙爭淄淄殘  
大地春光雙鬢在  
夕陽山色一江盤  
徑須寫入生綃裏  
并與鷗波作畫看

春窗雜感

漢壽盤盤古郡城  
一時文采盡知名  
署丞嘯比朱陵鳳  
司馬詞驅碧海鯨  
投老鄭虔空晉塵  
言歸張翰負吳羹  
傷心莫聽山陽笛  
已覺悽愴賦不成

醴陵畱別陳檢討體齋

冰絲雪縷寂無傳  
搜索遺經祇慨然  
正始韓公歸大手  
中朝排纂入長編  
白頭望重名山席  
紅藥吟追畫省年  
記過

雙桐筵下飲孤城斜日泊秋船

晚過塘山口見河柳離披感賦

無復江干小泊期  
曾相見憾遲遲  
十分宛轉隋宮夢  
一段蕭騷灞上詩  
落日殘鴉流水外  
斷雲微雨暮帆時  
不知誰解黃驄曲  
十月河梁又別離

寄廬楚中吟稿

晴川煙雨畫漫漫  
黃鶴樓頭一倚闌  
不許崔郎名獨擅  
風流五字壓齊安

漁陽詩派本來工  
愛好心情約略同  
吟遍寄廬行篋草  
何人還唱大江東

漢魏而來樂府亡  
一時沈宋角吟場  
遺山合著香山體  
長

慶元和有瓣香

九點煙螺舊小鄰  
荔枝天近海東濱  
閩江吟社今香草  
手掣鯨波更有人

萬柳千桃拂御河  
金樽吟板奈愁何  
昆山老去明山別  
淚盡湘羅與越羅

麤材不算馬班儔  
也賦楊枝坐上頭  
只有肚心消未得  
香殘酒冷十經秋

春日登長沙城

高城笑兀夕陽斜  
柳色青圍十萬家  
獨有麓山如靜女  
一爐煙景簇雲鴉

挂吳襟渺舊稱藩  
十字街西碣尚存  
金盃玉魚消應盡  
行

人猶自說王孫

小山堆髻碧層層竹屋溪橋畫未會剛是焙茶好天氣秧  
鋤綠過水南塍

題桃源宮穀齋明府畫

峭帆一霎翦江行山色依依似皖城此去秣陵不多日滿  
江黃葉送秋聲

海舶盤雲拍浪高湧金門外草蕭蕭水犀十萬鏡歌歌如  
此江山問暮潮

踏青

青泥墜子小房櫳占斷桃花一翦紅十日顛風五日雨惱  
人花事太匆匆

水邊樓子擁斜曛如畫春光去二分著箇沙飛雨三槩到  
門溪水碧于雲

膩紅皺白畫欄西記得楊枝送馬蹏今日又成南浦別緣  
波如鴨一含悽

金粟堆前倚夕霏洛神小像夢依稀可憐無淚澆黃土冷  
節年年客未歸

題桃花卷子

東風吹上赤欄頭金粉零星問玉鉤又是嘉陵好時節夕  
陽依舊半紅樓

一種香魂不肯消紅鐙人度可憐宵風風雨雨靡蕪路記  
過城南第五橋

紅橋亭子碧鱗鱗寶馬鈿車逐軟塵又過元都好風日  
年悽斷再來人

三十六灣綠作生鈿蟬金雁不勝情東風一種盧綸憾幾  
日傷心賦得成

清明

翠鈿寶鏡豔明璫記得鉤簾笑語香今日無人薦杯小土  
花愁上舊羅裳

倚闌

花氣濛濛雨氣寒無慘人自倚吟欄苔紋一色新如織綠  
到傷心不忍看

白馬清流事不堪天心竟忍屬朱三只宜忍辱亭邊老笑

看王官百尺嵐

不將封禪託臣心一卷梅花獨賞音  
想得臯夔滿臺閣未  
遲處士在山林

舟發淶口

十年幾度此停舟一樣關河柳色秋  
今日解維行處好青  
蘋風起櫓聲柔

過石頭

山明水淨夕陽斜風送篷牆傍淺沙  
行過蓼灣崖腳轉一  
林紅葉好人家

憶石洞二首

溪南十里有鶯聲三月嵐光照眼明  
小笠輕衫簷腳路一

犁新雨看春耕

悽絕棠梨開也無分煙寒食共招呼松楸合倩徐熙畫  
寫龐公上冢圖

沅湘舊集卷第九十一終